



Inatsisartunut ilaasortaq
Anthon Frederiksen
/MAANI

Indgået
- 7 JUNI 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Aalisarneq pillugu apeqqutinut assigiinngitsunut akissutit

Inatsisartut Suleriaasianni § 37, imm. 2 naapertorlugu aalisarneq pillugu Naalakkersuisunut apeqquteqarputit. Apeqqutit akissutinni innersuussutigineqarput.

07-06-2016
Sags nr. 2016-8719
Akt. nr. 2869947

Naalakkersuisunut apeqqutit:

1. Aalisarnermut allagartat assigiinngitsunut pingasunut agguarsinnaanerit Naalakkersuisut qanoq isumaqarfigaat ? tassa imaalersillugit:

- a. inuussutissarsiutigivillugu aalisarnermut allagartaq ?
- b. tapertaralugu alisarnermut allagartaq ?
- c. sunngiffimmi aalisarnermut allagartaq?

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Akissut:

Aalisarsinnaanermut akuersissutit eqqarsatigalugit innuttaasut immikkoortunut agguarneqarnissaat naleqquttut Naalakkersuisut isumaqarfiginngilaat. Pisariaqanngitsumik allaffissornermik siunertamullu isumalluutininik amerlanerusunik atugassiisoqartariaqarnissaanik kinguneqaannassamat,

3. Aalisagartassiissutit inunnut ingerlatseqatigiiffinnullu ataasiakkaanuinnaq tunniutiin-narnagit, allaanerusumik aaqqiisoqarsinnaanera Naalakkersuisunit qanoq isumaqarfigineqarpa ?

Akissut:

Aalisakkanik pisassiissutit inuiaqatigiit aningaasaqarneranni annertunerpaamik pissarsisutigineqarnissaat qulakkeerniarlugu, malittarisassat periutsillu Naalakkersuisut ukiumiit ukiumut malittarpat. Ilaatigut oqaatigineqarsinnaavoq avataani aalisakkanik ukiumut ataatsimut pisassiissutit eqqarsaatigalugit tunngaviit uku malinneqartartut:

1. Pisassiissutit aalisariutaatileqatigiiffinnut ukiumut siuliini assiginik pisassiivigineqarnikunut siullermik agguanneqartarput.
2. Pisassiissutit atorneqarsinnaasut sinneqarpata aalisariutaatileqatigiiffinnut pio-reersunut allanut annertunerusumik pisassiissuteqarnissamik pisariaqartitsisinaasunut pisassiissutit siullermik agguanneqartarput.
3. Qulaaniittut eqqarsaatigalugit pisassiissutit agguanneqarneranni pisassiissutit nalingi aallaavigineqartarput aamma aalisariutaatileqatigiiffiit imminut nappassinnaasumik aningaasaqarniarnissaasa siulliullugu qulakkeerneqarnissaa kiisalu nalillit aalisariutaatileqatigiiffiit pio-reersut akornanni assigiinnerusumik agguarneqarnissaat isiginiarneqartarlutik.
4. Aalisariutaatileqatigiiffinnut nutaanut ukioq ataaseq tamaat aningaasatigut nappassinnaasumik aalisarsinnaanngippata pisassiissutinik agguaassisoqarneq ajorpoq.

Tunngavitsigut taakkunatigut aalisariutaatileqatigiiffiit kisiisa isiginiannarnagit aammali inuiaqatigiit ataatsimut isigalugit isertitatigut aalajaatsumik atajuartumillu ingerlanissaat

qulakkeerneqartarpoq. Aalisarneq pillugu inatsisissami ilanngullugit suliat eqqartorneqassammata erseqqissaatigineqassaaq.

4. *Aalisagartassiissutininik agguaaassisarneq kommuninut nuunneqarsinnaanera Naalackersuisut qanoq isumaqarfigaat ?*

Akissut:

Naalackersuisoqatigiit taamatut pilersaaruteqanngillat.

5. *Aalisagartassiissutit tamakkerlugit pisarineqartalernissaat Naalackersuisut qanoq illullutik qulakkeersinnaavaat?*

Akissut:

Pisassiissutit amerlanerpaatigut tamakkerlugit pisarineqartarput aalisakkanillu pisassiissutit tamakkerlugit pisarineqanngippata suliaq Naalackersuisut nalilersussavaat aalisakkanillu pisassiissutit tamakkerlugit pisarineqarnissaat qulakkeerniarlugu pisariaqartunik iliuuseqassallutik. Aalisarneq pillugu inatsisissami ilanngullugit suliat eqqartorneqassammata erseqqissaatigineqassaaq.

6. *Royal Greenlandip tunisassiorfiisa aalisariutaasalu pisortaniit pigineqarunnaarlutik namminersortunngorsarneqarsinnaanerat Naalackersuisut qanoq isumaqarfigaat ?*

Akissut:

Royal Greenland A/S-ip tunisassiorfiisa aalisariutaataasalu tunineqarnissaat pillugu apeqqummi suliffeqarfimmi aqutsisuusut iliuuseqarfigisinnaallugu pisinnaatitaaffiiniippoq, taamaammallu tamanna suliffeqarfiup suliasaralugu.

7. *Royal Greenlandip kilisaataatai qassiuppat aamma inuttaqarnikkut qanoq agguataarsimappat, tassa kalaallit qassit ? nunami allamiullu qassit ?*

Akissut:

Royal Greenland A/S aalisariutinik 24m sinnerlugu takissusilinnik pingasunik 2015-imi toqqaannartumik tamakkiisumillu pigisaqarnikuvoq, taakkulu inuttaqarnerat Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr. 13, 17. november 2011-imeersoq naapertorlugu Kalaallit Nunaanni Aalisarsinnaanermik Akuersissutininik Nakkutilliiviup (KANUAANA) nakkutigisaraa.

Inuttanik nakkutilliineq pillugu 2015-imut paasissutissat digitalinngorlugit nalunaarsorneqarnerat KANUAANA-p suli naammassinngilaa, taamaammalu aqumiut pillugit naatsorsueqqissaarnerit (nalunaarummi § 2) maannamut tunniunneqarsinnaapput. Aalisariutit 24m sinnerlugu takissusillit tamakkiisumik pigineqartut pingasut pillugit 2015-imut takussitissiaq tabelimi ataaniittumi takuneqarsinnaavoq:

Atorfiit	Piffissani atorfeqarnerni tamani ukiuni kingullerni marlunnit Kalaallit Nunaanni inunnik	Piffissani atorfeqarnerni suniluunniit ukiuni kingullerni marlunnit Kalaallit Nunaanni	Piffissani atorfeqarnerni tamarmiunngitsuni ukiuni kingullerni marlunnit Kalaallit	Katillugit

	allattuivimmi nalunaarsorne- qarnikut		inunnik allattuivimmi nalunaarsorne- qarnikuunngitsut		Nunaanni inunnik allattuivimmi nalunaarsorne- qarnikut		
§2 (aqumiut)	59	78,7%	15	20,0 %	1	1,3%	75

Tamassuma saniatigut ilisimatitsissutigineqarsinnaavoq Royal Greenland A/S ukiumi piffissap ilaani aalisariutinik Kalaallit Nunaanni nalunaarsorneqarnikunik inuttanik nakkutillinermit ilaasunik naatsorsuusiordermini uani ilaangitsunik arlalinnik suliffeqarfiit pigisat aqputigalugit attartortarnikuusoq imaluunniit tamakkiisumik ilaanna-kortumilluunniit pigisaqarnikuusoq.

Erseqqissarneqassaaq piffissami tamarmiusumi sulisut pillugit naatsorsueqqissaarineq pineqanngitsaq; paasissutissani ilaapput inuit tamarmik ukiup ingerlanerani ataasiarlutik arlaleriarlutilluunniit atorfeqarnikut. KANUAANA-p aamma aalisariutini nalunaarummi ilaangitsuni inuttanik nalunaarsuinikuunngilaq. Taamaammatt sumut atassuteqarnermut tunngatillugu sulisoqarnermi naatsorsueqqissaarinerit pillugit Royal Greenland A/S-imut innersuussisoqartariaqarpoq.

8. Aalisakkat qaleruallillu piariingaanerumik aamma naleqarnerulersillugit avammut niuerutigineqarnissaat Naalakkersuisut pilersaaruteqarfigaat ?

Akissut:

Nuna tamakkerlugu sinaakkutaasumik pitsaasumik atugassaqartitsinissap qulakkeer-
niarneqarnerata ilaatut Inuussutissarsiornermut Sulisoqarnermullu Naalakkersuisoqarfik
sullissinissamik isumaqatigiissut ataaseq arlalilluunniit tunngavigalugit nunaqarfinni
isorliunerusunilu tunisassiorfinnut tapiissuteqartarpoq. Tapiissutit aningaasanut
inatsimmi kontomi 64.10.17 'Nunami inuussutissarsiuutinut takornariartitsinermullu
ineriartortitsinermut tapiissutit, pisinnaatitsisoqarneratigut tapiissutigineqartarput.
Aningaasat 5 mio. DKK-mik annertussuseqarput.

Tamassuma saniatigut aamma nunaqarfinni isorliunerusunilu inuussutissarsiornermut
suliffeqarnermullu suliniutinut kommunit nunaqarfinnilu aqutsisut suleqatigalugit
tapiisoqartarpoq. Tapiissutit taakku aningaasanut inatsimmi 64.01.05 'Nunaqarfinni
isorliunerusunilu inuussutissarsiornermi suliffeqarnermilu ineriartortitsineq, pisinnaatit-
sisoqarneratigut tapiissutigineqartarput aningaasallu 7,7 mio DKK missaanni anner-
tussuseqarput. Inuussutissarsiuutini suliffeqarnermilu suliniutit ilaanni, ukiut siuliini ukiorlu
manna, siunertaavoq aalisarnermik inuussutissarsiornermi sinaakkutaasumik atugas-
sartinneqartut pitsanngorsarnissaat. Assersuutigalugu tassaapput umiatsiaararsortunut
umiatsiaaqqanik iluarsaasarfiit puttasullu. Taamaaliornikut tunitsivinnut tunisassiassanik
pitsaasumik aalaakkaasumillu pilersuisarneq qulakkeerneqarpoq.

Naalakkersuisut tamassuma saniatigut naalakkersuisoqarfiit akornanni suleqatigiis-
sitaliamik pilersitsinikuupput, taassumalu misissussavaa nunaqarfinni isorliunerusunilu
aalisarnermik inuussutissarsiornermi suliffeqarnerq qanoq annertusarneqarsinnaaner-
soq. Tassunga atatillugu aalisakkanik qalerualinnillu annertunerumik tunisassiareq-
qiisarnermut tunngatillugu periarfissat atorfiillu aamma misissorneqarput.

Oqaatigineqassaarli Naalakkersuisut isumaqartut, tunisassioortut ataasiakkaat aalisakkaat atornerqarneranni suna imminut akilersinnaanerunersoq annertunerpaamik pitsaanerpaamillu ilisimagaat. Naalakkersuisut suliassaat pingaarneq tassaavoq namminersortut ineriartortinneqarneranni pitsaanerpaanik sinaakkutaasunik atugassaqartitsinissap qulakkeerneqarnissaa.

9. Nunatsiini aalisarnermut aningaasaateqarfeqalersinnaaneq/fiskeribank Naalakkersuisut qanoq isumaqarfigaat?

Akissut:

Naalakkersuisut ataatsimut isigalugu isumaat siulliullugu tassaavoq aalisarnermi suliffeqarfiit aningaaserivinnit aningaasalersorneqassasut. Tamassuma saniatigut aalisarnermut aningaasaliisarnermut aningaasanik immikkoortitaqarpoq, taakkulu aalisariutit nutarterneqarneranni aningaasaliisoqarsinnaasunik immikkut pisariaqartitsinermut aalisarnerullu aaqqissuussaanerata naleqqussarneranut atatillugu atornerqarsinnaapput. Taakku marluk tassaapput maannakkut tunngaviumillu immikkoortut aamma aalisarnermut aningaasaateqarfeqalersinnaaneremut pisortat tapersiinissaannik pisariaqartitsisoqannginneranik kinguneqartut. Tamassuma saniatigut ukiorpassuarni ESU-mik aaqqissuussinikkut aalisarnermut pisortat aningaasaliisarnerannik aaqqissuussaarnikuuvoq, taassuma ilaatigut ilisarnaatigaa aalisarnerup maannakkut aaqqissuussaanerata tunngavilerneqarnikuunera tamassumalu saniatigut pisortat annertuumik tapersiisarnerannik Nunallu Karsiata annaasaqartarneranik kinguneqarnikuulluni.

10. Aalisariutini assigiinngitsorpasuarni kaldesignal-it inissisimaffiitut piumasagaatit nalilersoqqinnisarsinnaanerat Naalakkersuisut qanoq isumaqarfigaat?

Akissut:

Aalisariutitik ilisarnaasiisarneq eqqarsaatigalugu tassaaginnarpoq aalisariutit aalisaraangata timmisartumiit umiarsuarniillu sukkasuumik qularnaatsumillu ilisarineqarsinnaanerannik apeqqut. Taamaalilluni immami isumannaallisaaneq nakkutilliinerlu eqqarsaatigalugit taamatut ilisarnaasersuisoqartarpoq.

11. 2016-imiit aalisartut immikkut 5%-imik tunisaminnik akitsuusiiffigineqarnerat maannamut landskasse-mut qanoq isertitsissutaava ?

Akissut:

Sinerissap qanittuani qaleralinniarnermi akitsuutit 2016-imi kvartalimi siullermi 5,8 mio. kr. missaaniipput.

12. Apeqquut 11-mut tunngatillugu, ilumoorpaa ? Tunisassioffiit ilaasa, aalisartut akitsuummumut akiligassaat matussuserniarlugu, aalisakkaat akii qaffaannarsimagaat ?

Akissut:

Akitsuutit tamakkiisumik ilaannakortumilluunniit aalisartut matussusiitinniarlugit suliffeqarfiit tunitsiviilluunniit ataasiakkaat tunisinermi akinik 2015-imut sanilliullugu 2016-imi qaffaasimanersut misissorneqarnikuunngilaq. Tamannali kissaatigineqassappat tamassuma misissornissaanut Naalakkersuisut misissuinissamut periarfissaqarput. Tunisinermi akit 2015-imut sanilliullugu 2016-imi qaffassimasut paasinarsissappat akit qaffannerat unammilleqatigiinnermik, aalisakkaat tunineqartut pitsaanerulersimanerannik, avammut tunisinermit akit qaffassimanerannik imaluunniit akitsuutitik matussusiinermik pissuteqarnerasoq inerniliisoqarsinnaanngilaq. Oqaatigineqassaaq tunisineremut akit

akilerneqarnerannut atatillugu 5 pct.imik akitsuusiisoqartartoq. Taamaalilluni akitsuutit qaffaataannik aalisartut aamma akiliisinnagit tunitsiviit akitsuutininik akiliisinnaanngillat.

Inussiarnersumik inuulluaqqusillunga

Nikolaj Jeremiassen